

Siguri

Ekskluzive | Rrahje në sheshin “Shatërvan”, Policia arreston një të dyshuar – i gjen edhe armë me 5 fishekë



Sinjali.com

14 Korrik 2026 10:56



Një përleshje mes disa personave në sheshin “Shatërvan” në Prizren ka përfunduar me arrestimin e një të dyshuari, tek i cili Policia ka gjetur edhe një armë zjarri, raporton Sinjali.

Sinjali mëson ekskluzivisht se i arrestuari është Amush Sallashi, 20-vjeçar, ndërsa në këtë rast si të dyshuar figurojnë edhe Hasan Mulaoglu, 22-vjeçar, dhe Elmir Bajrami, 28-vjeçar.

Sipas burimeve të Sinjalit, Policia kishte pranuar informacion për një rrahje mes disa personave në sheshin “Shatërvan”, ku patrullat kanë reaguar menjëherë dhe kanë arritur të ndalojnë personat e përfshirë në incident.

Gjatë kontrollit trupor ndaj të dyshuarit kryesor, zyrtarët policorë kanë gjetur dhe sekuestruar një pistoletë ZORAKI 917-T, një karikator dhe pesë fishekë të kalibrit ende të paidentifikuar.

Si pasojë e përleshjes, lëndime trupore ka pësuar Xh.K. (2004), ndërsa një nga të dyshuarit është dërguar me urgjencë në spital për trajtim mjekësor.

Në vendin e ngjarjes kanë dalë hetuesit dhe njësia e kriminalistikës, të cilët, në koordinim me Prokurorin e Shtetit, kanë iniciuar rastin për veprat penale përkatëse.

Burimet e Sinjalit bëjnë të ditur se i dyshuari tek i cili është gjetur arma është ndaluar për 48 orë, ndërsa hetimet për zbardhjen e plotë të rrethanave të përleshjes janë në vazhdim.

Shënim: Personat e apostrofuar në këtë artikull prezumohen të pafajshëm derisa fajësia e tyre të mos provohet me vendim të formës së prerë nga gjykata.

Sinjali – aty ku e vërteta flet para lajmit!

/GazetaSinjali/

Sinjali

Gazeta Sinjali mirëmbahet nga kompania "Sinjali" sh.p.k. Materialet dhe informacionet e Gazetës Sinjali nuk mund të kopjohen, të shtypen, ose të përdoren në çfarëdo forme tjetër, pa leje nga redaksia.



Lajme

Zgjedhjet 2026
Kosovë
Shqipëri
Rajon
Diasporë
Evropë
Botë

Aktualitet

Politikë
Drejtësi
Siguri
Shëndetësi
Arsim
Sociale

Hulumtime

Ekskluzive
Profile
Skandaloze

Ekonomi

Prodhime Vendore
Financa
Biznes

Sport

Botërori 2026
Futboll
Basketboll
Sporte Luftarake
Sporte të tjera

Showbiz

Bota e Yjeve
Modë & Stil
Bukuri dhe kujdes
Të tjera

OP-ED

Analizë
Kolumne
Intervistë

Jetë

Fitnes
Ushqime
Travel
Këshilla
Receta
Dieta
Shëndeti

Kulturë

Film
Muzikë
TV & Radio
Libra
Art & Dizajn
Fotografi
Histori

Tech & Auto

Teknologji
Automjete
Telefona
Internet
Lojëra
Aplikacione

Fun

Qesharake
Kuriozitete
Kuize
Fakte
Të tjera